

衢州文獻集成

〔史部〕

第
54
冊

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔史部〕

第
54
冊

國家圖書館出版社

第五四冊目錄

〔萬曆〕常山縣志十五卷

(明)傅良言修 (明)詹萊纂

明萬曆刻清順治十七年(1660)遞修本

.....

常山縣志序

天下郡邑莫不有志吾常舊志一知縣李
侯得與尚書清簡樊公瑩所共修者自成
化三年迄今迨一百二十有餘年矣且無
繇本獲覩而稀臨川行所傳侯甫下車即
有志乎是志也乃既奏最始用見屬重之
也萊固素不命承教者故不復以不敏辭
而敢承之

於春上旬五閱月而訖

工蕪者芟之逸者登之陋者飭之訛者正之而綴葺其歲月之所曠闕者且凡建都立邑者幅幘廣袤有大小之差焉故先表輿地地有山川猶人身氣脉之有骨血也故以山川次之四隩既宅則經營興焉故次之以建置裁道輔能必資於政教故次之以職官居官守職莫先於輕徭薄賦故次之以賦役既富斯輕必節宜以五禮故

之以禮秩雖以禮讓為國然無仁賢則
虛故次之以選舉物情不齊曲成有道故
以雜紀終焉總十五卷將授梓當叙言于
其首子惟主志者之難有三政有體要非
治定功成未暇於稽古右文一也懷癥者
畏索匿瑕者忌摘故必綜理密察顯設精
白然後肆筆天口無所顧慮二也方人者
必自正已始惟衡鑑素空且平斯品隲當

而人心服三也今傳侯政教成而神人和
文質交修上下咸格於此蓋優爲之是以
能舉百年之曠典無斁也而秉筆之三難
萃則安能毋惑乎其惴惴懼不得當也日
月稀曠聞睹未真事情變更論議難一苟
諮諏弗周搜剔未盡則巧詐易蒙蔽莫
撤其難在博一也必辯晰精詳黼藻巨麗
標獨惡於衆好灼心是於跡非紆徐者一

足以叙委曲之情又急者又足以矯亢有
之氣其難在雅二也直道以行公已以議
抗上品於寒門託微譏於隆位葦葭之親
昵者遠弓冶之赫奕者斥沸以盜憎而縮
其舌弗以悖入而回其鋒其難在公三也
此固皆非迂愚者之所能及也其或庶幾
萬一者唯公乎是以常恂恂之地而敢肆
爲便便者責所在也既公矣則雖所該未

博而既及者不敢濫加廣焉則博矣所飭
未雅而既錄者一於虛文焉則雅矣是
亦無害於博雅也雖然迂愚者安能自知
唯覽者詳定其功罪焉是為序

萬曆十三年歲乙酉季夏望日

進士第奉政大夫湖廣按察司僉事邑人
範川詹萊書

修志叙

予以萬曆九年恭奉。

明命補乏常令筮仕之初信哉古謂俚入暗
室也欲得縣志而觀之于以知山川險易
測戶口虛實晰情俗向背識制度因革辨
祀秩邪正度賦役繁簡考人才盛衰公私
求之不可得久始得一錄本乃成化三年
前令李君溥與鄉先生大司寇樊公塋所

共修者也顧未甚明備又年月已稀曠歲
予大有意乎釐正羅葺之第在初政無論
其奔走送迎搜條逋負也不數月而清丈
浮糧之檄下常固舊有浮糧前令張君克
文清之甫一紀爾實徵畝數反短於舊額
四分之一而縮咎不在令乃在常之戶口
消耗因而荒蕪瀰漫致然爾予因人口之
不理乃竭力窮日夜躬履畝立寸量而尺

度之纔充其八分之一則知其非張啓
也踰歲事甫畢而洛水至墊溺饑饉可慘
予請發倉粟五千石有餘賑救之民始賴
以無貼於逃死是歲又適丁十年大造黃
冊之期予為審實貧富均食里甲亦戶口
一大料理也已而出入

朝宗者踰半載於道路又值旱荒賑之如賑
水且當數年勛勅時予思今當文明盛時

浙文人才淵藪作養學校不可以復於他
郡邑汲汲乎教無政舉爰與學博王君尚
廉等進諸人士而提撕磋磨之會文輔仁
彬彬興業於是鄉舉者數人會舉者又數
人較之於舊似大躋於觀美乃在于身則
實嗣朕眩焦心思日不給真未逮乎稽
古右文之舉也幸而考叙職守執冊籍
具司諸大人也大人謬蒙許與曰汝於人民

也宜不必部考吾為汝保留焉其歸撫綏
此疲癯也予然後少得休暇知其為修志
嘉會矣是歲春仲筮日時篚玄黃就鄉先
生憲僉詹公萊而謀之公懸車二十有餘
年練習民瘼且知予之積思於是舉也慨
然設局編磨之凡舊志之所當釐正羅葺
者爛然具列無遺漉於予初心之所欲知
者一搜閱揀悉矣以季夏末旬殺青授梓

予竊喜曠典之得成也且又因得自考
警省焉曰後之視今亦猶今之視昔三數
年間其不自知而有戾於從違之規誨者
多矣因具以益篤其素所精白改其錯履
匡輔其智慮所未逮則有大益於修己之
敬也寧獨方人而已哉是為叙

明萬曆十有三年乙酉孟秋既望知常
山縣事臨川行所傳良言以德甫書

叙志後

傳曰禮樂百年而後興尚矣然孔子之言
則又云人而不仁無能如禮樂何也是仁
者又禮樂之本也蓋仁者至公而不累故
能以天地萬物為一體於凡時序之變易
山川之夷險政治之得失風俗之美惡人
才之盛衰貨財之豐耗民物之安危皆不
忍以秦越視之母論百世矧於一時毋論

四海矧於一邑以是而當百年之期禮樂
有不興者乎

國家制度明備恩澤涵濡餘二百年真其期
矣傳令公來宰是邑率禮律身推恕容物
先務學興禮以謹申學校淳正風俗然
後振滌頹綱蒐獮風蠹於凡一民一物之
未得其所者必整齊措置盡其心力而後
已三年政成復枉就廉而議曰事苟完矣